

**Кыдзи Ёма Көдзыд пөльлысь гын сапөг гусяліс
«Шуда котыр»-лөн Выль вося гаж**

*Лоо: 2022 вося декабр 24-өд лунө
Маршак нима небөгаиннын
Ворсысьяс: Ёма – Виктория Агаркова
Лымныв – Анастасия Михайлова
Көдзыд Пөль – Ольош Рассыхаев
Гижис: Анастасия Михайлова*

(Шылад улө петө Лымныв)

Лымныв: Бур лун, ёртгяс! Чолөм ставлы! Кутшөм дыр нин ме виччыси тайө паныдасьөмсө. Ог кутөй воштыны кад да дзик пыр жө корам миян дорө Көдзыд Пөльөс. Китө пуктөй этадзи вом дораныд, медым гораджыка артмис. Куим-нель, өтвылысь: Көдзыд Пөль, Көдзыд Пөль, Көдзыд Пөль.

(Көдзыд Пөль пыдди петө Ёма)

Ёма: Чолөм-чолөм, мый нө чарзанныд та выйөдз?

Лымныв: Ми Көдзыд Пөльөс корам. Сійө сьөкыд пеля нин, та вөсна гора чуксалам.

Ёма: Аааа, но ме локті!

Лымныв: Бур лун. А ті коді?

Ёма: Ме и эм Көдзыд Пөльыс! Он эскөй али мый?

Ставөн: Ог!

Ёма: А весьшөрө. Ме кө көсья... (ырыштчө). Шмонита, эн шогсьөй! Меным аслым колө Көдзыд Пөльыс. Көні сійө? Со, челядь виччысьөны нин, а сійө век на абу.

Лымныв: Энлы, а мыйла тэ татчө локтін тогда?

Ёма: Кыдзи мыйла? Кампетгьястө тиянлысь сөйны.

Лымныв: Кампет сейны? А тэ төдан, мый юмовсьыд пиньыд киссьө. А тэнад и сідзи абу уна.

Ёма: Меным ставыс позьө, ме өд Ёма.

Лымныв:

Тырмас миянөс йөйтөдлынысө. Ми талун чукөртчим, медым Выль вося гаж нуөдны, коз дорын сьыланкывьяс сьывны да йөктыны, а тэ тані сөран нинөм абутөмсө. Вай, бурджык ворсам толаысь. Ме кута висьтавыны кутшөм толаяс ми Көдзыд Пөлькөд аддзылім, а ті кутанныд петкөдлыны. Көдзыд Пөльыд кылас и котөрөн локтас миян дорө тшөтш ворсны. Толаяс овлөны кызөсь. Толаяс овлөны вөснийөсь. Толаяс овлөны джуджыдөсь. Толаяс овлөны ляпкыдөсь.

(Ворсам шылад улө.

Лымныв петкөдлө өтитор, а висьталө мөдтор.)

Лымныв: Нывьяс, зоньяс, көні нө, эськө, Көдзыд Пөльыд? Мый оз лок?

Ёма: (вомгорулас) Йёйясыд, гажөдчыны локтөмаось. Оз төдны, мый ме этаяслы гажсө торки. И Көдзыд Пөльыд оз лок.

Лымныв: Кызди оз лок? Мый тэ сыкөд вөчин?

Ёма: Ме сылысь гын сапөгсө гусялі. Оз өд сійө верми тиян дорө тола пийтыыс тяпиөн собны. Но ті кө талун кутанныд бура йөктыны, ме, гашкө, и сета сапөгсө бөр.

Лымныв: А тэ кужан йөктыны али мый?

Ёма: Дерт! Ме медбур йөктысь став мирас! Ноко, ключитлій музыкасө, ме петкөдла!

(Юргө шылад. Ёма тешкодя йөктө)

Лымныв: Кутшөм тэ мастер, Ёма. А, гашкө, тэ миянөс велөдан жө йөктыны?

Ёма: Велөда! Код нө сэсса велөдас, ог кө ме. Кута петкөдлыны движениеяс, а ті ме бөрся вөтчөй, тадзи жө вөчалөй!

Лымныв: Но, мый, йөктам Ёмакөд тшөтш!

(Юргө шылад. Ёма петкөдлө, челядь сы бөрся йөктөны)

Ёма: Даааа, ёна и кажитчис, кызди ті йөктанныд! Но гын сапөгтө все равно ог сет!

Лымныв: Всө, Ёма, өдйө вай Көдзыд пөльысь гын сапөгсө. Тэ жө ачыл көсйыслын!

Ёма: Көсйысьлы, көсйысьлы... А өні ог нин көсйы. Мыйкө шөгө уси. Ноко, кыпөдөй менсьым настроениеос!

Лымныв: Вот тайө да! Ёртьяс, вай, сідзкө, өтвылысь кутам настроение Ёмалысь кыпөдны. Шылад улө кутам кругөн өта-мөдлы сетапны лым мачсө. Код вылын шыладыс сувтө. Сійө петкөдлө мыйкө тешкодьтор, шуам, тешкодя вөчө чужөмсө.

(Юргө шылад. Ворсам лым мачөн)

Ёма: (сералө) Вот тайө и сералі! Но гын сапөгыд жаль! Ог сет, навернө.

Лымныв: Ёмушка, вай, эн ышнясь, а сет, пөжалуйста, Көдзыд пөльысь сапөгсө.

Ёма: Пөжалуйста?! Ёмушка?! Татшөм меліа менө некод на эз шулы.

Лымныв: Челядь, вай, өтвылысь корам Ёмаос. Кызд нөшта мела позьө корны сійөс? (Челядь: Ёмук, Ягинь, Ёмушка)

Ёма: (бөрдө) Босьтөй Көдзыд Пөльысь гын сапөгсө! А ме вөрө бөр муна. Яндзим меным, мый Виль वोся гажтө тиянлысь көсйы торкны.

Лымныв: Ёртьяс, мед Ёма тшөтш миянкөд гажөдчыны кольччас! Ті кызди чайтанныд?

Ёма: Ме верма кольччыны? Аттө зэв ыджыд! Ме некор на эг вильвоасьлы татшөм ыджыд да шань котырын!

Лымныв: Ме пока нуа гын сапөгсө Көдзыд Пөльы, тэ гажөдышт дзюлюкьясөс.

Ёма: Ооо, тайө менам артмас. Менам зептын зэв уна нөдкыв. Ноко, коді төдмалас? (Перйө зепсьыс кабала)

1. Төлын и гожөмын өти паськөма? (Коз)
2. Еджыд пызандөра став мусө вевттис. (Лым)
3. Мича ныв енэжті ветлөдлө. (Шонді)

4. Гожомнас пася, а төвнас пасьтөм. (Вөр)
5. Вевт улын быдмө увланьюрөн. (Йинёнъ)
6. Көть кызди мунө, а бөрья кокыс век панйө. (Көч)

(Юргө шылад. Пырöны Кдзыд пöль да Лымныв)

Көдзыд Пöль: Чолөм нывъяс да зонъяс. Чолөм мам-батьлы! Во быд нин эг аддзысьлөй тиянкөд. Гажöй нин бырис! Киөн махайтышта тиянлы и тi меныд махайтöй. (Аддзö козсö) Кутшөм мича коз пу пуктмныд! А оз тай на öзйы. Вай öтлаын биясөн югзьöдам миянлысь коз пунымöс! Тöданнды он гуся кывъяссö? Öти, кык, куим, ёлка, югъяв биөн! Вай, куимысь шуам тайö гуся кывъяссö.

(Коз югзьö)

Лымныв: Көдзыд Пöль, твылысь челядькө сылыштам, гашкө?

Көдзыд Пöль: Вай, öтвылысь хоровадын сылам Коз пу йылысь сыланкыв
(Сылам коз пу йылысь сыланкыв)

КОЗ ПУ (В лесу родилась ёлочка)
Сьöd вöрын чужис мича коз
Да быдмис сэнi дыр.
И төв, и гожөм турунвиж,
Зэв мича вöли пыр.

Ён бушков сылы сывывливiс:
«Узь, коз пуöй, бай-бай!»
Мороз пöль лымйөн тыртывливiс:
«Эн кынмөдчы тэ вай!»

Кузь пеля, дженъыд бöжа көч
Коз улас йöктывлiс.
Руд көин, наян синъяса,
Коз дортi шöйтывливiс.

А öтчыд кутiс дзуртны лым
Да вошис вöрысь чöв:
Кузь пуяс сайысь гөнечөн
Сэк петiс доддя вöv.

Пу доддяс чера пукалö
Дзор тошка пöрысь дед.
Коз путö сийö кералис,
Тась сиктö нуны мед.

И со нин (а талун) козйыд сулалö,
Сэн, көнi челядь тыр.
И сэтшөм гажа ставнымлы,
Ми сылам йöктiгтыр.

(Ёма лыйö дуригмоз Лымнывлы лым мачөн)

Лымныв: Кодi нö тайö лыйис меным?

Челядь: Ёма!

Лымныв: Ёма, ворсны на көсьян?

Ёма: Көсья, дерт!

Көдзыд Пöль: Сидзкө, ворсам.

Лымныв: Көдзыд Пöль кутас висьтавны мый колö дзедны, медым сийö оз кынты бедьнас. Лоöй сюсьөн да тэрыбөн

Көдзыд Пöль: Кынта тиянлысь нырнытö, пельнытö, кинытö, пидзöснытö, и с.в. (Ворсам)

Ёма: Эн удит! Эн удит! Тэрыбөсь öд ми!

Көдзыд Пöль: Збыль, кутшөм тi тэрыбөсь. Но сэсся воис кад кывзыны дасьтөм кывбурьястö.

Лымныв: Көдзыд Пөль, тэ мудзин нин. Пукси татчө улөс вылас. А нывьяс да зоньяс кутасны тэ дорө матыстчыны да лыддыны кывбурсө.

(Лыддөны кывбурьяс)

Көдзыд Пөль: Кутшөм бураа дасьтысьөмныд! Ёна и гажөдчим! Сэсся позьө и мөд челядь дорө мунны.

Ёма: Көдзыд Пөль, козиньястө эн на сет да!

Көдзыд Пөль: Збыль! Мешөкөй сэтшөм сьөкыд вөлі, мый эг вермы катөднысө. Да этатчө өдзөс саяс коли.

(Сеталөны козиньяс)

Лымныв: Көдзыд Пөль, сэсся мөдөдчам. Уна дзюлокөс на колө чолөмавыны локтан Выль воён. Став бурсө, ёртьяс!

Көдзыд Пөль: Во мысти бара на аддзысям!

Ёма: И меным гортө нин колө. Каньөй гаштөмчис нин!

(Мунөны шылад улө)